



প্রধানমন্ত্রীবিদ্যুৎ

# আগামী ২০২২ সালের মধ্যে এক নতুন ভারত গড়ে তোলার আহ্বান জানালেন প্রধানমন্ত্রী : ভারত ছাড়া আন্দোলনের ৭৫তম বার্ষিকীতে ভাষণ দিলেন সংসদের বিশেষ আলোচনা পর্বে ভারত ছাড়া আন্দোলনের ৭৫তম বার্ষিকী উপলক্ষে আজ লোকসভায় এক বিশেষ বক্তব্য পেশ করেন প্রধানমন্ত্রী শ্রী নরেন্দ্র মোদী

Posted On: 10 AUG 2017 11:57AM by PIB Kolkata

ভারত ছাড়া আন্দোলনের ৭৫তম বার্ষিকী উপলক্ষে আজ লোকসভায় এক বিশেষ বক্তব্য পেশ করেন প্রধানমন্ত্রী শ্রী নরেন্দ্র মোদী।

তিনি তাঁর বক্তব্যে বলেন যে ভারত ছাড়া আন্দোলনের মতো ঘটনাগুলির স্মৃতিচারণ আমাদের মধ্যেপ্রেরণার সঞ্চার করে। এই ধরনের আন্দোলনের উত্তরাধিকার ভবিষ্যৎ প্রজন্মের কাছে বহন করে নিয়ে যাওয়ার দায়িত্ব দেশের বর্তমান প্রজন্মের।

মহাত্মাগান্ধীর মতো প্রবীণ নেতাদের স্মৃতিচারণ প্রসঙ্গে প্রধানমন্ত্রী বলেন যে ভারত ছাড়া আন্দোলনের সূচনায় তাঁরা কার্যকর হলেও ঐ আন্দোলনকে এগিয়ে নিয়ে যাওয়ার জন্য শূণ্যতা পূর্ণ করে এক নতুন প্রজন্মের নেতৃত্ব।

দেশের স্বাধীনতা আন্দোলন অনেকগুলি পর্যায়ের মধ্য দিয়ে এগিয়ে গেছে। ১৮৫৭ খ্রিষ্টাব্দের পর থেকে যে সমস্ত নেতাদের দেশ অনুসরণ করেছিল, তাঁদের স্মৃতিচারণার পাশাপাশি সেই সময়কার বিভিন্ন আন্দোলনের কথাও প্রধানমন্ত্রী তুলে ধরেন তাঁর এদিনের বক্তব্যে। তিনি বলেন, ভারত ছাড়া আন্দোলনের সূচনা ১৯৪২ সালে। নিঃসন্দেহে এটি ছিল এক সফল আন্দোলন। ‘করেঙ্গে ইয়া মরেঙ্গে’ মহাত্মা গান্ধীর এই বলিষ্ঠ আহ্বানে সাদা দিয়ে সমাজের সর্বস্তরের মানুষ ঝাঁপিয়ে পড়ে ছিলেন এই আন্দোলনে। রাজনৈতিক নেতা থেকে সাধারণ মানুষ –প্রত্যেকের মধ্যেই সঞ্চারিত হয়েছিল এক নতুন শক্তি। আর এই ভাবেই স্বাধীনতার লক্ষ্যপূরণে অতিক্রম করতে হয়েছে পাঁচ পাঁচটি বছর। সমগ্র জাতি একটি সাধারণ সঙ্কল্প নিয়ে ঐক্যবদ্ধ হওয়ার কারণেই তা সম্ভব হয়েছিল বলে উল্লেখ করেন প্রধানমন্ত্রী।

বিশিষ্ট লেখক রামবৃক্ষ বেণীপুত্রী এবং কবি সোহনলাল দ্বিবেনীকে উদ্ধৃত করে প্রধানমন্ত্রী সেই সময়কার সাধারণ আবেগকে ভাষায় মূর্ত করেন তাঁর আজকের ভাষণে।

তিনি বলেন, ভারতের এখন প্রয়োজন দুর্নীতি, দারিদ্র্য, নিরক্ষরতা এবং অপুষ্টির মতোচ্যালেঞ্জগুলি অতিক্রম করা। এজন্য জরুরি এক ইতিবাচক রূপান্তর প্রচেষ্টা এবং অভিন্ন এক সঙ্কল্পের। স্বাধীনতা সংগ্রামে নারীদের ভূমিকার কথাও এদিন তাঁর বক্তব্যে তুলেধরেন প্রধানমন্ত্রী। তিনি বলেন, বর্তমান যুগেও আমাদের সাধারণ লক্ষ্য ও উদ্দেশ্যগুলির পূরণে অফুরন্ত শক্তির যোগান দিতে পারেন দেশের নারীরা।

প্রসঙ্গত,সকলের অধিকার ও কর্তব্যের দিকে দৃষ্টি আকর্ষণ করে শ্রী মোদী বলেন, আমাদের অধিকারগুলি সম্পর্কে যেমন আমরা সচেতন, সেরকমভাবেই আমাদের কর্তব্যগুলিও বিস্মৃত হলে চলবে না। এই দুটি বিষয়কে করে তুলতে হবে আমাদের জীবনযাপনের এক অবিচ্ছেদ্য অঙ্গ।

প্রধানমন্ত্রী বলেন, ঔপনিবেশিকতার সূত্রপাত যেমন এদেশে হয়েছে, স্বাধীনতা লাভের সঙ্গে সঙ্গে তার অবসানওঘটেছে। এই ঘটনাকে অনুসরণ করে ঔপনিবেশিকতার পতন ঘটে এশিয়া এবং আফ্রিকাতেও।

১৯৪২ সালের বিশ্ব পরিস্থিতি যে ভারতের স্বাধীনতা লাভের এক অনুকূল পটভূমিগড়ে তুলেছিল, একথার উল্লেখ করে প্রধানমন্ত্রী বলেন, বিশ্বের বর্তমান পরিস্থিতিও কিন্তু রয়েছে ভারতেরই অনুকূলে। ১৮৫৭ থেকে ১৯৪২ – এই সময়কালের আন্দোলন ছিল ক্রম পর্যায়ের।কিন্তু ১৯৪২ থেকে ১৯৪৭-এর আন্দোলনের প্রকৃতি ছিল রূপান্তরমুখী, যার ফলে আমাদের নির্দিষ্ট লক্ষ্য ও উদ্দেশ্য পূরণ সম্ভব হয়ে ওঠে। ২০১৭-২০২২ – এই পাঁচ বছরে স্বাধীনতা সংগ্রামীদের স্বপ্নের ভারত গড়ে তোলার লক্ষ্যে যে কোন ধরনের মত পার্থক্যের ঊর্ধ্বে উঠে সাংসদদের ঐকান্তিকভাবে সচেতনহওয়ার আহ্বান জানান প্রধানমন্ত্রী। দেশের স্বাধীনতার ৭৫তম বর্ষ পূর্তির কাল হল ২০২২ সাল।

প্রধানমন্ত্রী বলেন, ১৯৪২ সালের বলিষ্ঠ আহ্বান ছিল ‘করেঙ্গে ইয়া মরেঙ্গে’। কিন্তু আজকের দিনে এই ডাক হওয়া উচিত ‘করেঙ্গে অউর করকে রহেঙ্গে’।সেই সঙ্গে, আগামী পাঁচ বছরে ‘সঙ্কল্প থেকে সিদ্ধি’তে উত্তরণের জন্য আমাদের শপথ গ্রহণ করতে হবে। আর এইভাবেই আমরা উপনীত হতে পারব আমাদের কাঙ্ক্ষিত লক্ষ্যে।

দুর্নীতি দমন, দরিদ্র মানুষদের কাছে তাঁদের অধিকার পৌঁছে দিতে, দেশেরযুব সমাজের জন্য স্বনির্ভর কর্মসংস্থানের সুযোগ প্রসারে, অপুষ্টির অবসানে, নারীর ক্ষমতায়নের পথে যাবতীয় বাধা দূর করতে এবং নিরক্ষরতা দূরীকরণের লক্ষ্যে প্রধানমন্ত্রী আহ্বান জানান কয়েকটি সুনির্দিষ্ট সঙ্কল্প গ্রহণের জন্য :

- আমরা সকলে মিলে একসাথে ভ্রষ্টাচার দূর করব এবং এই কাজে আমরা নিরন্তরভাবে প্রচেষ্টা চালিয়ে যাব।
- আমরা সকলে ঐক্যবদ্ধভাবে ন্যায় অধিকার পৌঁছে দেব দরিদ্র সাধারণ মানুষের কাছে এবং এই কাজেও আমরা অবিচল থাকব।
- দেশের তরুণ ও যুবকদের কাছে স্বনির্ভরকর্ম সংস্থানের সুযোগ পৌঁছে দেওয়ার কাজেও আমরা ঐক্যবদ্ধভাবে প্রচেষ্টা চালিয়ে যাব এবং এই কাজও আমরা করে যাব নিরল সভাবে।
- অপুষ্টির সমস্যা থেকে দেশকে মুক্ত করতে আমরা কাজ করে যাব ঐক্যবদ্ধভাবে এবং এই কাজেও আমরা অটুটভাবে সঙ্কল্পবদ্ধ থাকব।
- নারীর বিকাশে যাবতীয় প্রতিবন্ধকতা দূর করার কাজেও আমাদের ঐক্যবদ্ধ প্রচেষ্টা অটুট থাকবে; এবং
- দেশ থেকে অশিক্ষা দূর করার কাজেও আমরা সকলে এক যোগে সঙ্কল্পবদ্ধ থাকব।

(Release ID: 1499101) Visitor Counter : 3

## Background release reference

ভারত ছাড়া আন্দোলনের ৭৫তম বার্ষিকী উপলক্ষে আজ লোকসভায় এক বিশেষ বক্তব্য পেশ করেন প্রধানমন্ত্রী শ্রী নরেন্দ্র মোদী

